

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-904/10  
Sarajevo, 22.07.2010. godine

## Z A P I S N I K

### 15. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 22. jula 2010. godine

Sjednica je počela u 12.14. nakon završetka 31. sjednice.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio prisutne i konstatovao da sjednici prisustvuju 44 delegata, što čini većinu, te Dom naroda može raditi i punovažno odlučivati.

Predsjedavajući je obavijestio delegate da je Vlada Federacije dostavila: Prijedlog Zakona o plaćama i naknadama u organima vlasti Federacije Bosne i Hercegovine, Prijedlog Zakona o plaćama i naknadama policijskih službenika Federacije Bosne i Hercegovine, Prijedlog Zakona o dopuni Zakona o federalnim i administrativnim taksama i Tarifi federalnih administrativnih taksi, Prijedlog Zakona o dopunama Zakona o budžetima Federacije Bosne i Hercegovine i Prijedlog Zakona o dopuni Zakona o prostornom planiranju i korištenju zemljišta na nivou Federacije Bosne i Hercegovine sa prijedlogom da se razmatraju po hitnom postupku.

Tomo Vidović pitao je - zbog čega se Prijedlog Zakona o plaćama i naknadama u organima vlasti Federacije Bosne i Hercegovine mora razmatrati po hitnom postupku, na što je odgovor dao premijer Mustafa Mujezinović.

Nakon toga predsjedavajući je dao na glasanje prijedlog da se ovi prijedlozi zakona razmatraju po hitnom postupku i konstatovao sljedeće:

- sa 36 glasova za, uz šest glasova protiv i uz tri uzdržana glasa, Dom naroda je prihvatio da se Prijedlog Zakona o plaćama i naknadama u organima vlasti u Federaciji Bosne i Hercegovine razmatra po hitnom postupku;
- sa 40 glasova za i uz jedan uzdržani glas, Dom naroda je prihvatio da se Prijedlog Zakona o plaćama i naknadama policijskih službenika Federacije Bosne i Hercegovine razmatra po hitnom postupku;
- sa 38 glasova za, uz jedan glas protiv i uz dva uzdržana glasa, Dom naroda je prihvatio da se Prijedlog Zakona o dopuni Zakona o federalnim i administrativnim taksama i Tarifi federalnih administrativnih taksi razmatra po hitnom postupku;

- sa 34 glasa za i uz dva glasa protiv, Dom naroda je prihvatio da se Prijedlog Zakona o dopunama Zakona o budžetima Federacije Bosne i Hercegovine razmatra po hitnom postupku;
- sa 34 glasa za, uz jedan glas protiv i uz četiri uzdržana glasa, Dom naroda je prihvatio da se Prijedlog Zakona o dopuni Zakona o prostornom planiranju i korištenju zemljišta na nivou Federacije Bosne i Hercegovine razmatra po hitnom postupku.

Predsjedavajući je, također, obavijestio delegate da su Safet Softić, zastupnik u Predstavničkom domu, i Fahrudin Skopljak, delegat u Domu naroda, podnijeli Prijedlog Zakona o izmjenama i dopunama Zakona o sudovima u Federaciji Bosne i Hercegovine sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 33 glasa za, uz četiri glasa protiv i uz četiri uzdržana glasa, prihvatio da se Prijedlog Zakona o izmjenama i dopunama Zakona o sudovima u Federaciji Bosne i Hercegovine razmatra po skraćenom postupku.

Potom se prešlo na glasanje o predloženom dnevnom redu.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za, uz tri glasa protiv i uz šest uzdržanih glasova, usvojio sljedeći

#### **DNEVNI RED:**

1. Prijedlog Zakona o plaćama i naknadama u organima vlasti Federacije Bosne i Hercegovine – hitni postupak,
2. Prijedlog Zakona o plaćama i naknadama policijskih službenika Federacije Bosne i Hercegovine – hitni postupak,
3. Prijedlog Zakona o dopuni Zakona o federalnim i administrativnim taksama i Tarifama federalnih administrativnih taksi – hitni postupak,
4. Prijedlog Zakona o dopunama Zakona o budžetima Federacije Bosne i Hercegovine – hitni postupak,
5. Prijedlog Zakona o dopuni Zakona o prostornom planiranju i korištenju zemljišta na nivou Federacije Bosne i Hercegovine – hitni postupak,
6. Prijedlog Zakona o izmjeni i dopuni Zakona o sudovima u Federaciji Bosne i Hercegovine (predlagači: Safet Softić, zastupnik u Predstavničkom domu, i Fahrudin Skoplja, delegat u Domu naroda) – skraćeni postupak,
7. a) Odluka o davanju saglasnosti za prihvatanje kreditnog zaduženja za makrofinansijsku pomoć Evropske unije,  
 b) Odluka o davanju saglasnosti za zaključivanje Supsidijarnog ugovora o kreditnom zaduženju Bosne i Hercegovine i Federacije Bosne i Hercegovine za makrofinansijsku pomoć Evropske unije,  
 c) Informacija o makrofinansijskoj pomoći Evropske komisije Bosni i Hercegovini.

Predsjedavajući je predložio da se o prvim dvjema tačkama dnevnog reda vodi zajednička rasprava, a izjašnjavanje obavi pojedinačno, što su delegati prihvatili.

1. **Prijedlog Zakona o plaćama i naknadama u organima vlasti Federacije Bosne i Hercegovine**
2. **Prijedlog Zakona o plaćama i naknadama policijskih službenika Federacije Bosne i Hercegovine**

Prijedloge zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na 29. vanrednoj sjednici od 21.07.2010. godine usvojio Prijedlog Zakona o plaćama i naknadama u organima vlasti Federacije Bosne i Hercegovine uz šest amandmana koji se odnose na čl. 5., 13., 41., 58., 59. i 61., koje je Vlada Federacije prihvatila, pa su postali sastavni dio Prijedloga Zakona.

Predstavnički dom Parlamenta Federacije je na 29. vanrednoj sjednici od 21.07.2010. godine usvojio Prijedlog Zakona o plaćama i naknadama policijskih službenika Federacije Bosne i Hercegovine uz dva amandmana koji se odnose na čl. 31. i 33. Prijedloga Zakona, koje je Vlada Federacije prihvatila, pa su postali sastavni dio Prijedloga Zakona.

Prijedloge zakona razmatrala su nadležna radna tijela i dostavila izvještaje.

Na Prijedlog Zakona o plaćama i naknadama u organima vlasti Federacije Bosne i Hercegovine Drago Puzigaća podnio je jedan amandman, a Saša Magazinović i Svetozar Pudarić zajednički su podnijeli pet amandmana.

Prijedloge zakona obrazložili su Feliks Vidović, federalni ministar pravde, i Muhidin Alić, federalni ministar unutrašnjih poslova.

U raspravi su učestvovali: Elvira Abdić-Jelenović, Tomo Vidović, Saša Magazinović, Josip Perić, Ramo Isak, Lidija Bradara, Drago Puzigaća, Asim Kamber, Igor Rajner, Svetozar Pudarić, Snježana Milavić, Muhamed Osmić, Mira Ljubijankić i Salih Kruščica, predsjednik Sindikata državnih službenika i namještenika Federacije Bosne i Hercegovine.

Nakon rasprave, budući da Vlada Federacije nije prihvatila podnesene amandmane, predsjedavajući je pozvao podnosiocce amandmana da se izjasne da li odustaju od podnesenih amandmana.

Drago Puzigaća izjavio je da odustaje od svog amandmana, dok su Saša Magazinović i Svetozar Pudarić izjavili da ne odustaju od amandmana.

Predsjedavajući je potom dao na glasanje amandmane Saše Magazinovića i Svetozara Pudarića i konstatovao sljedeće:

- Dom naroda **nije usvojio** Amandman I koji se odnosi na član 7., jer je za glasalo 15 delegata, 10 delegata je bilo protiv, a 13 delegata je bilo uzdržano;

- Dom naroda **nije usvojio** Amandman II koji se odnosi na član 8., jer je za glasalo 13 delegata, 14 delegata je bilo protiv, a 11 delegata je bilo uzdržano;
- podnosioci amandmana **odustali** su od Amandmana III koji se odnosi na član 9.;
- Dom naroda **nije usvojio** Amandman IV koji se odnosi na član 13., jer je za glasalo 14 delegata, 14 delegata je bilo protiv, a 10 delegata je bilo uzdržano;
- Dom naroda **nije usvojio** Amandman V koji se odnosi na član 20., jer je za glasalo 15 delegata, 14 delegata je bilo protiv, a 12 delegata je bilo uzdržano.

Potom se prešlo na glasanje o prijedlozima zakona.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine, sa 30 glasova za, uz 15 glasova protiv i uz dva uzdržana glasa, usvojio Prijedlog Zakona o plaćama i naknadama u organima vlasti Federacije Bosne i Hercegovine.

Na osnovu rezultata glasanja Predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova za i uz dva uzdržana glasa, usvojio Prijedlog Zakona o plaćama i naknadama policijskih službenika Federacije Bosne i Hercegovine.

### **3. Prijedlog Zakona o dopuni Zakona o federalnim i administrativnim taksama i Tarifi federalnih administrativnih taksi**

Prijedlog zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na 28. vanrednoj sjednici od 21.07.2010. godine usvojio Prijedlog Zakona o dopuni Zakona o federalnim i administrativnim taksama i Tarifi federalnih administrativnih taksi u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Hajrudin Hadžimehanović, pomoćnik federalnog ministra finansija.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za i uz jedan uzdržani glas, usvojio Prijedlog Zakona o dopuni Zakona o federalnim i administrativnim taksama i Tarifi federalnih administrativnih taksi.

#### **4. Prijedlog Zakona o dopunama Zakona o budžetima Federacije Bosne i Hercegovine**

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na 28. vanrednoj sjednici od 21.07.2010. godine usvojio Prijedlog Zakona o dopunama Zakona o budžetima Federacije Bosne i Hercegovine u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Zada Gabela, pomoćnica federalnog ministra finansija.

U raspravi su učestvovali: Elvira Abdić-Jelenović, Mislav Sučić, Igor Rajner, Mira Ljubijankić i Samir Bakić, pomoćnik federalnog ministra finansija.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 32 glasa za, uz dva glasa protiv i uz sedam uzdržanih glasova, usvojio Prijedlog Zakona o dopunama Zakona o budžetima Federacije Bosne i Hercegovine.

#### **5. Prijedlog Zakona o dopuni Zakona o prostornom planiranju i korištenju zemljišta na nivou Federacije Bosne i Hercegovine**

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na 28. vanrednoj sjednici od 21.07.2010. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Mustafa Mujezinović, premijer Federacije Bosne i Hercegovine.

U raspravi su učestvovali Igor Rajner i premijer Mustafa Mujezinović.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za, uz jedan glas protiv i uz četiri uzdržana glasa, usvojio Prijedlog Zakona o dopuni Zakona o prostornom planiranju i korištenju zemljišta na nivou Federacije Bosne i Hercegovine.

#### **6. Prijedlog Zakona o izmjeni i dopuni Zakona o sudovima u Federaciji Bosne i Hercegovine (predlagači: Safet Softić, zastupnik u Predstavničkom domu, i Fahrudin Skoplja, delegat u Domu naroda) – skraćeni postupak**

Prijedlog Zakona dostavljen je Vladi Federacije na mišljenje.

Predstavnički dom Parlamenta Federacije je na nastavku 32. sjednice od 14.07.2010. godine usvojio Prijedlog Zakona u tekstu predlagača.

Amandman na član 1. Prijedloga Zakona podnio je Josip Perić.

Amandman je dostavljen predlagačima na izjašnjenje.

Prijedlog Zakona razmatrala su nadležna radna tijela i dostavila izvještaje. Prijedlog Zakona obrazložio je Fahrudin Skopljak.

U raspravi su učestvovali: Stjepan Krešić, Muhamed Osmić, Igor Rajner, Fahrudin Skopljak, Edin Hozan, Goran Šimić, predstavnik Federalnog ministarstva pravde, Josip Perić, Lidija Bradara, Senad Kananović, Tomo Vidović i Alija Begović.

Nakon rasprave, Alija Begović zatražio je pauzu kako bi se uobličili amandmani koji su predloženi u raspravi.

Nakon pauze, pristupilo se glasanju o amandmanima.

Na osnovu rezultata glasanja, predsjedavajući je konstatovao da je:

- sa 38 glasova za, uz jedan glas protiv i uz jedan uzdržani glas, Dom naroda Parlamenta Federacije usvojio Amandman koji je podnio Muhamed Osmić.

Amandman glasi:

„U Zakonu o sudovima u Federaciji Bosne i Hercegovine u članu 22. u stavu 4. tačka 4) mijenja se i glasi:

„4) Općinski sud u Zavidovićima za područje općine Zavidovići“.

Iza tačke 4) dodaje se nova tačka 5) koja glasi:

„5) Općinski sud u Maglaju za područje općine Maglaj“.

Dosadašnje tač. 5) i 6) postaju tač. 6) i 7).“

Sa 37 glasova za i uz jedan uzdržani glas, Dom naroda Parlamenta Federacije usvojio je amandmane koje je podnio Klub delegata hrvatskog naroda.

#### **Amandman I**

U Zakonu o sudovima u Federaciji Bosne i Hercegovine u članu 22. u stavu 7. u tački 1) iza riječi „Mostara“ piše se tačka i brišu riječi: „i područje općine Čitluk“.

U istom stavu dodaje se nova tačka 4) koja glasi:

“4) Općinski sud u Čitluku za područje općine Čitluk”.

#### **Amandman II**

U Zakonu o sudovima u Federaciji Bosne i Hercegovine u članu 22. stav 6. u tački 1) briše se riječ “Vitez”, a u istom stavu dodaje nova tačka 4) koja glasi:

“4) Općinski sud u Vitezu za područje općina Vitez i Busovača”.

#### **Amandman III** (usaglašen sa amandmanom Vanje Broćete Krnete)

U Zakonu o sudovima u Federaciji Bosne i Hercegovine u članu 22. stav 10. mijenja se i glasi:

„**Općinski sudovi u Kantonu 10 su:**

- 1) Općinski sud u Livnu za područje općina Livno i Glamoč;
- 2) Općinski sud u Drvaru za područja općina Drvar i Bosansko Grahovo;
- 3) Općinski sud u Tomislav-Gradu za područje općina Tomislav-Grad i Kupres.“

#### **Amandman IV** (usaglašen sa amandmanom Vanje Broćete Krnete)

U Zakonu o sudovima u Federaciji Bosne i Hercegovine u članu 22. stav 2. mijenja se i glasi:

**“Općinski sudovi u Posavskom kantonu su:**

- 1) Općinski sud u Orašju za područje općina Orašje i Domaljevac-Šamac;
- 2) Općinski sud u Odžaku za područje Općine Odžak.”

Dom naroda Parlamenta Federacije jednoglasno je (39 glasova) usvojio amandman koji je podnio Senad Kananović.

Amandman glasi:

“U Zakonu o sudovima u Federaciji Bosne i Hercegovine u članu 22. u stavu 1. tačka 4) mijenja se i glasi:

“Općinski sud u Sanskom Mostu za područje općina Sanski Most i Ključ. Općinski sud u Sanskom Mostu ima odjeljenje izvan sjedišta suda u Ključu za područje Općine Ključ.””

Dom naroda Parlamenta Federacije je, sa 39 glasova za, uz jedan glas protiv i uz jedan uzdržani glas, usvojio amandman koji je podnio Edin Hozan.

Amandman glasi:

“U Zakonu o sudovima u Federaciji Bosne i Hercegovine u članu 22. stav 6. mijenja se i glasi:

**“Općinski sudovi u Srednjobosanskom kantonu su:**

- 1) Općinski sud u Travniku za područje općina Travnik i Novi Travnik;
- 2) Općinski sud u Vitezu za područje općina Vitez i Busovača;
- 3) Općinski sud u Bugojnu za područje općina Bugojno, Gornji Vakuf – Uskoplje i Donji Vakuf;
- 4) Općinski sud u Jajcu za područje općina Jajce i Dobretići,
- 5) Općinski sud u Kiseljaku za područje općina Kiseljak, Fojnica i Kreševo.””

Dom naroda Parlamenta Federacije je, sa 40 glasova za, uz jedan glas protiv i uz jedan uzdržani glas, usvojio Amandman koji je podnio Fahrudin Skopljak.

Amandman glasi:

„U Zakonu o sudovima u Federaciji Bosne i Hercegovine u članu 22. u stavu 3. u tački 4) riječ „Lukavac“ se briše, u tački 5) riječ „Banovići“ se briše, a u istom stavu dodaju se tač. 6) i 7) koji glase:

„6) Općinski sud u Lukavcu za područje općine Lukavac;

7) Općinski sud u Banovićima za područje općine Banovići.“

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (43 glasa) usvojio Prijedlog Zakona o izmjenama i dopunama Zakona o sudovima u Federaciji Bosne i Hercegovine.

Budući da je Prijedlog Zakona usvojen u različitom tekstu u oba doma Parlamenta Federacije **potrebno ga je usaglasiti.**

- 7. a) Odluka o davanju saglasnosti za prihvatanje kreditnog zaduženja za makrofinansijsku pomoć Evropske unije**  
**b) Odluka o davanju saglasnosti za zaključivanje Supsidijarnog ugovora o kreditnom zaduženju Bosne i Hercegovine i Federacije Bosne i Hercegovine za makrofinansijsku pomoć Evropske unije**  
**c) Informacija o makrofinansijskoj pomoći Evropske komisije Bosni i Hercegovini**

Odluke je donijela Vlada Federacije Bosne i Hercegovine i dostavila ih Parlamentu Federacije radi razmatranja i odobrenja.

Predstavnički dom Parlamenta Federacije je na 28. vanrednoj sjednici od 21.7.2010. godine odobrio ove odluke.

Odluke su razmatrala nadležna radna tijela i dostavila izvještaje.

Odluke je obrazložio Samir Bakić, pomoćnik federalnog ministra finansija.

U raspravi su učestvovali: Elvira Abdić-Jelenović, Samir Bakić, pomoćnik federalnog ministra finansija, Mislav Sučić i Tomo Vidović.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za, uz dva glasa protiv i uz pet uzdržanih glasova, donio Odluku kojom je odobrio Odluku o davanju saglasnosti za prihvatanje kreditnog zaduženja za makrofinansijsku pomoć Evropske unije.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 31 glasom za, uz dva glasa protiv i uz četiri uzdržana glasa, donio Odluku kojom je odobrio Odluku o davanju saglasnosti za zaključivanje Supsidijarnog ugovora o kreditnom zaduženju Bosne i Hercegovine i Federacije Bosne i Hercegovine za makrofinansijsku pomoć Evropske unije.

\* \* \*

Sjednica je završena u 17.02.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Stjepan Krešić